

SKY RUN kumpul dana penganjuran Kejohanan UMP Badminton Open 2017



Kuantan, 1 Oktober- Lebih 1000 orang peserta menyertai acara *Sky Run* sejauh tujuh kilometer anjuran Kelab Badminton Rasmi Universiti Malaysia Pahang (UMP) dengan kerjasama Pusan Sukan & Kebudayaan universiti ini.

Acara dimulakan dengan aktiviti senamrobik dan seterusnya pelepasan larian yang disempurnakan oleh Timbalan Naib Canselor (Hal Ehwal Pelajar & Alumni), Prof. Dato Dr. Yusserrie Zainuddin dan Pengarah Pusat Sukan & Kebudayaan UMP, Abd Rahman Haji Safie di Dataran Kompleks Sukan UMP.



Menurut Dato Yusserrie, acara ini adalah bertujuan menggalakkan warga UMP mengamalkan gaya hidup sihat disamping memupuk semangat kesukanan serta memperkenalkan satu konsep *maratton* yang unik dan pengalaman baru kepada semua peserta.

Bagi pengarah program yang juga mahasiswa Fakulti Sains dan Teknologi Industri, Beh Yu Ling berkata, menariknya sewaktu larian semua peserta akan melalui tiga tempat pemeriksaan dan setiap tempat akan diberikan satu *sticker note*. Para peserta akan menulis harapan atau ucapan dan menampal pada papan kenyataan yang telah disediakan pada akhir larian.

Tambahnya lagi, program *Sky Run* yang ini juga adalah acara pembuka dan inisiatif Kelab Badminton UMP dalam mengutip dana bagi UMP Badminton Open 2017 yang akan diadakan pada pada 3 hingga 5 November 2017 di Kompleks Sukan, UMP Kampus Gambang akan datang.



"UMP Badminton Open 2017 mempertandingkan tiga kategori iaitu beregu lelaki dan wanita serta beregu lelaki veteran. Pemenang pertandingan berpeluang memenangi hadiah wang tunai bernilai RM 3000 (beregu lelaki) dan RM 500 (beregu wanita & beregu veteran).

Bagi yang berminat untuk menyertai pertandingan ini, boleh melayari laman web <http://umpbadmintonopen.azurewebsites.net/> atau facebook <https://www.facebook.com/umpbadmintonopen/> . Acara larian berakhir dengan sesi penyampaian hadiah kepada 50 pemenang lelaki dan wanita yang terawal menghabiskan larian dan permainan mini.

Berita disediakan oleh Siti Sarah Mohamad Rajimi dari Bahagian Komunikasi Korporat.

Posted By : NUR LAILA BINTI AFANDI Date Posted : 06-10-2017, 08:51:06